



UNIVERSITÄTS-
BIBLIOTHEK
PADERBORN

**Clarissimi Viri Henr. Zoesii Amersfortii, In Academia
Lovaniensi I. V. D. Et Antecessoris Commentarius In Jus
Canonicum Universum, Sive Ad Decretales Epistolas
Gregorii IX. P. M.**

Zoesius, Hendrik

Coloniae Agrippinae, 1691

Titulus XXXI. De Excessibus Prælatorum.

[urn:nbn:de:hbz:466:1-62329](https://nbn-resolving.org/urn:nbn:de:hbz:466:1-62329)

ita suscepti executione, Quod clare patet ex c. s. h. r. quod loquitur de privatione executionis suscepti Ordinis: juxta quod Cap. intelligendum est d. cap. 1. dum ponit inhabilitatem ascendendi ad Ordinem superiorem; quæ accipienda de suspensione: & ita tenet Covarr. ad c. Alma p. 1. §. 6. nu. 6. Non obstat d. c. 32. quia non fit ibi mentio irregularitatis, sed depositionis ab Ordinibus sententia ferenda; quæ alia est ab irregularitate, cum hæc omnino inhabilem faciat, illa usum tantum tollat. Vid. Suarez de Conf. Disp. 32. sect. 1. nu. 57.

3 Q. II. An suspensio ista sit accipienda de Ordinibus omnibus sic susceptis, etiam minoribus: R. Loqui quidem jura in d. c. 1. c. 9. de Ordinibus, aliaque jura in simili casu, c. 1. De temporib. ordin. in 6. c. fin. De apostatu: fieri tamen simpliciter mentionem Ordinum Ecclesiasticorum in d. c. 32. ut de minoribus id sit accipiendum, ex mente Pont. qui non vult Ordinem Ecclesiasticum suscipi ab excommunicato: spectant autem & minores ad Ordinem Ecclesiasticum. Nec faciunt loca alia adducta, in quibus ideo fit mentio ordinum sacrorum, quod facti speciem tantum continent, non etiam ut distinctionem juris inducant, Suarez d. loco nu. 58.

4 Suspensio itaque hæc non concernit nisi Ordinem ita susceptum; & superiorem, non etiam inferiorem licite susceptum, quia de illo textus non loquitur. Per primam tonsuram poena ista non incurritur, quod Ordo non fit, nec habeat proprium actum, à quo suspendatur. Accipienda autem jam dicta de excommunicato simpliciter, id est de excommunicatione majori, non etiam de minori.

Ubi quaesitum, An ignorantia excommunicationis excuset? R. Illam quidem facilitatem efficere dispensationem, non tamen censuræ impedire effectum. d. c. 32. quod etiam ignorantes factum vel jus non ponit extra censuram. Posset tamen istud Cap. accipi de ignorantia culpabili, ut si talis, quæ extra culpam ponat, dicenda sit hanc censuram impedire. Quo facit, quod dictum sup. Tit. 27. nu. 9. ignorantiam invincibilem excusare, quo minus excommunicatus celebrans incurrat irregularitatem, ut etiam excusare debeat à suspensione. Deinde cum hæc tamquam poe-

na incurrat, necesse est supponatur ut ea cessante tamquam cessata adque-
at etiam cessare effectus, c. Apostolica p. 1.
De Cler. excom. ministr. Facit eto, quod
Nayar. d. c. 27. nu. 241. nullam ignorantiam
non excusare, ut alia excuset, d. c. 32. Nu.
arez d. loco nu. 59.

Per vim vel metum cadentem in ratiocinam
stantem ordinari, licet in habiles, non
re in censuram verus est, cum ea non
tur nisi propter culpam, d. c. 2. per quem
justus metus.

Est & suspensus, qui quatuor Ordines
res cum Subdiaconatu eodem die suscipit
2. nisi consuetudo excuset. Cum quatuor
trante Religionem; si mores consueverint
penfabit Abbas quoad executionem
is. Majorum Ordinum duorum eodem die
ceptio suspensionem inducit, etiam
quenti die, continuato tamen processu
collatus, quod habeatur pro eodem die
ra sup. De temp. ordinat. Quod peccatum
gravius, si contra præceptum Episcopi
communicatione prohibentis suscipi
dines eodem die, ingesserit se quis
post unam susceptum etiam ad alterum
endum, c. 3. h. r. Dispensat tamen cum
copus super suspensione, si moraliter
gressus laudabiliter se ibi gerat, c. 3. h. r.

TITULUS XXXIIII

De Excessibus Prælatorum

SUMMARIUM.

1. Prælati prohibentur premere exactionibus
aut gravari subditos.
2. Jurisdicctio Ordinarii in exemptis non
ria?
3. Prohibitum est privilegia subditorum
dire, Ecclesias alteri subtrahere spe-
4. Jurisdicctionem superioris inferiori non
bent.
5. Excessus subditorum contra Prælatos.

P Eccliarum Prælatorum delictum est
servatis potestatis suæ terminis, subdi-
oneribus premere, exactiones, aliaque

minu imponendo, censuris inmoderate tenere, & sine iudicio Capituli, à quibus eos abstinere jubet Pont. prohibens, ne ullatenus præsumant exercere actiones indebitas, nec sine iudicio Capituli attentent suspendere, aut Ecclesias eorum interdiceret, sub pœna arbitraria, c. 1. h. 2. Non subjungit autem ibi Pont. verba irritantia, ut censura lata, licet sine Capituli iudicio, sit dicenda tenere. Limitant & illum textum ad suspensionem, ut procedere nolint in excommunicatione, quam volunt Prælati concessam etiam sine iudicio Capituli. Verum ea de re inquitere anxie nihil attinet, cum de consuetudine solemnitas ista non desideretur. Abbas in d. c. 1. h. 1. quæ probari videtur c. 3. De cons. in 6. uti & videtur probari per Trid. Sess. 6. De reform. c. 4. quod & dedit Episcopis jurisdictionem in exemptos.

2. Ubi dubitatur, An ea sit ordinaria, an delegata. R. Ordinariam videri quoad non exemptos, propter majorem in eos auctoritatem; delegatam vero quoad exemptos, cum ordinatio iure non habeant in illos auctoritatem; & ita velle videntur verba d. c. 3.

3. Prohibet etiam Pont. Prælati privilegia subditorum impedire, data licentia subditis non parenti, c. Sane h. 1. censura, si qua sorte ideo innodati, irrita declarata, c. Cum ad quorundam h. 1. tamquam lata à non habente auctoritatem; Ecclesiam alteri subjectam sine causa ab illius subiectione liberare & subtrahere, c. 2. h. 1. beneficii, cujus habent collationem, usum sibi retinere, aut sibi conferre c. 3. h. 1. Prohibet ea conferri in dignis sub pœna cassationis & privationis conferendi eâ vice, c. Inter 11. h. 1. Non tantum autem prohibetur Prælati inferre gravamina suis Clericis, verum & Religiosis, qui Christo pauperi in paupertate famulari elegerunt, quæ enumerantur à Pont. in c. Nimis 16. c. 17. h. 1.

4. Quod attinet ad Prælatos inferiores Episcopo, illis cavendum, ne turbent jurisdictionem superiorem, puniendo Ecclesias sine eorum consensu, c. Sicut 8. h. 1. cognoscendo de causa matrimoniali, dando indulgentias, quæ spectant ad Episcopum; nisi speciali privilegio, aut alia legitima causa id juris sibi quaeritur probent, c. Accedentibus 12. h. 1. interdicta violando, aut alios, ut violent, co-

gendo. Quod si contigerit fieri ab Episcopo Pont. omnes ab eo postea latus censuras, institutiones, destitutiones, collationes præbendarum factas; irritas esse declarat; alios vero Clericos interdicti violatores suspendi ab officio & beneficio, c. fin. h. 1.

Prohibetur & subditorum contra Prælatos excessus: cujusmodi sunt, reverentiam iis denegare, coram secularibus contra eos super rebus spiritualibus deponere, dominos negare, contra homagij fidem, eos invadere, aut in favoribus, eorumque complicibus causam vel consilium præbere: quales abscondendi perpetuo ab Ecclesia, beneficiis eorum aliis, qui digni, assignatis, c. Gravem 15. h. 1. Constituire collegium, sibi que fabricare sigillum, c. Dilecti 14. h. 1. Personatum sibi falso adumere, contra eos, quibus fide & sacramento sunt obligati, se erigendo, quales in eo Episcopatui non sunt admittendi ad officii sui executionem, c. Illud 6. h. 1. Prohibentur & sacerdotes peccatum in confessione auditum revelare, ne quidem ex compulsionem, quod ea res sit perniciosa, c. Dilectus 13. h. 1. de crimine suo gloriari, ut de carnali copula cum uxore aliena, quales ab officio & beneficio sunt suspendendi, c. Quam sit 9. h. 1. se etiam libidines maxime quæ sunt contra naturam, propter quas Clerici sunt deiciendi à Clero, vel ad agendam poenitentiam in Monasterio detrudendi, c. 4. h. 1. Eorum etiam est ab eo abstinere, unde scandalum oriri possit, ut frequentare ludos profanos, & similia, de quibus sup. De vita & honest. Clericor. Prædicatoribus, Minoribus aliisque Mendicantibus est inhibendum Domo ad habitandum de novo recipere, aut susceptas mutare, alienare, absque licentia Sedis Apostolicæ, c. unic eod. in 6.

TITULUS XXXII.

De novi operis nuntiatione.

SUMMARIUM.

1. Nuntiatio novi operis quando & qualiter fiat.
2. Habet locum, non obstante cautione de opere demoliendo.

Ffff 2

3 An